

Timp cal passe (Pensâ cun fantasie)

Mai pensà al timp ch'al passe
e ma cjalà ta l'orloi,
ma pensà cun fantasie
par fà ridi ben i voi.

E se l'onde dal pensîr
un travai j mét al cûr,
o mai spietà che l'emoziòn
bièl planchin lu fasi fûr.

Ben tignilu controlât
lizerût il cûr al va,
e s'al va legri content
di sigûr nol po' sclopà.

Pur sentint peraulis dolcis

Poesie e Racconti Friulani

cui scherzûs di vêr amôr,
in chei faz de nestre vite
faz di gjonde e di dolôr.

Tra lambics di storie vere
e travàis di ogni dì
che purtrop su cheste tiare
l'omp da vîf al scugne subì.

Tignì buine la memorie
slontanà cualuncue mâl,
chest pâr vivi cun ligriè
gjoldi ben il carnevâl.